

晉山姜氏世鑑序

我姜氏源流遠而族大以昌蓋以元帥公東來肇基於晉陽子姓之溢出傍郡其人則將相守牧功業則鼎鼐戈鉞而金櫜石室鐵券之錄層出間見班班可攷真可謂混混長源菀菀洪柯世愈遠幹支之別愈繁莫可收而計之譜之大者塵止通亭通溪二家猶動費數年之力然徵功始竣而卷帙已不勝其浩穰是以他派之通同曾未議及勢不免各譜其譜則初學之士多博古之人寡一門名德視同越人之章甫者或不無焉用是致慨收宗議取巖巖族大父手抄姜氏世德錄一冊採纈而編次之名之曰姜氏

世鑑上自得姓以來唐史所載爰及我朝四五千年猷
臣戰將經師藝彥孝子節婦以至一能一技之稍著悉皆
纂列其優歷系以國朝年表彙爲三冊凡爲門者七筆
意則略倣人家修譜之規而雜以史氏記載之例不限今
古不拘派分終之以孝烈以國朝官制附焉世德家風
非曰夸諸誠不得已也當此萬國林立之會宜先修整家
史特表國朝官制使後人不迷於覽披而亦可悉夫洪
柯長源之有自矣惟願諸宗家藏此書永世守之則世德
淵懿恍若警咳於朝夕雖百世之遠藹然有一家之風不
恨於譜牒之不通也夫時丙辰陽月下休后孫駟秀謹書

晉山姜氏世鑑卷之一

第一編

帝王

炎帝

姓姜氏名石年小與長子

在位一百四十年

○丁丑元年

世譜云甲申代伏羲

而立史紀曰姜姓凡八世五百二十年世譜則不合於年代故姑依史紀錄之

小與娶有嬌氏女安登感神龍而生帝育於姜水之上因爲姓以大德王都於陳初國伊繼又號伊耆氏亦曰烈山氏作乘租故曰神農氏作蠟祭教二十易作方書○味草木察水泉民無夭札○箕文被殺風

沙來歸○命母弟世嗣小典爲諸侯○丙申崩于長沙○外傳曰赤松子爲雨師

帝承

在位六十年

○丁酉元年

帝臨

在位八十年

○丁酉元年

帝王公侯

晉山姜氏世鑑卷之一